

# AMMENTOS DE PITZINNIA

## Sas crèsias de Sedilo

de Zuanne Antoni Niola, *Vicariu de Sindia*



*Cossizeras a s'essida de sa missa. (foto Biblioteca Comunale Sedilo)*

Tiad'essere su vintunu de triulas de su mille-noighentosbarantatrese.

Comente onnia die cun su cumpanzu pms cani, Merchioro Paris,<sup>1</sup> a poi sonadas sas campanas, fumis zoga-zoga in s'ortigheddu de sagrestia ispettande a cominzare sa funzione de su sero.

Peidre Marras,<sup>2</sup> issu puni seziu in sa friscura, ognia tantu nos abboghinaia: "Seo recitande su Breviaru, non deviese abboghinare, faeddae abbellu!"

Arribada don Sanna<sup>3</sup> e si faede: "Cumpanzia cominzae a allumare sas candelas ca est'ora de sa funzione", e poi narada a Peidre Marras: "cras est sa festa de Sa Maddalena in Soddie e Patrignani<sup>4</sup> cherede a bi andare, comente si costumada totu sos peidrese e a zughere sos zaganeddos pò assistere sa missa ca in Soddie non bind'ada".

Cun Merchioro amos fattu su risu penzande a sa festa.

Finia sa funzione ecco chi Peidre Marras mi narat: "Bae a domo de sas Lunzinas,<sup>5</sup> chi mi preparene po sas otto su caddu de Santu Antinu, ca su meu non du tenzo prusu e tue etotu che du atisi cramanzanu a domo e andamos a sa festa de Soddie".

Don Sanna narada a Merchioro: "Noisi andamos a sa sette cun Caterina" cussu fu su numene de sa bizicreta de don Sanna. "A tighi ti che leo in telaiu, eni puntuale a domo, ca devo faere sa segunda missa".

Su manzanu de su vintiduos de triulas puntualissimos a s'appuntamentu, non nos pariat beru, andamos a sa festa!



Cresia de Sa Madalena.

Che leo su caddu a domo de Peidre Marras: si fu fumande sa sigareta de Santu Franziscu, s'Aita, da mutiat gasi ca costiada pagu. Subitu prontos a partire. Cun d'unu brincu ch'est subra su caddu, pò mi che zezzerejeo, accostada a s'istradila e ..... partenzia.

Semus passos in s'istrada noa Via Carlo Alberto, caras a domo; marna rudi abbadiande. Peidre Marras bi faede: "S'Ave Maria, cornare Asila,<sup>6</sup> oe fizolu enidi cun megus a sa festa de Soddie, istae trancuilla, est in manos bonas". "Grazia piena, compare Peidre Marras, si Juanni Antoni est cun fostè seu trancuilla, andae cun Deusu e torrae cun sa Mamma! E tue Zuann'Antoni fae a bonu e iscuria su chi ti narada nonnu tu e pone in mente".

Onnia tantu Peidre Marras faiada aumentare su passu a su caddu sempre avvisando. "Poderadi bene"!

Cando che fumis in sa inza de Antonietta Deianas,<sup>7</sup> Peidre Marras si faede: "a d'ischis, fizolu, cantas suni sas cresias de Sedilo? Abbadia in cussu parisi subra sos contones biancoso bi aiada una eresia dedicata a Santu Zorzi<sup>8</sup> prusaddananti de innoghe un'attera a Santu Andria, in Ziccori<sup>^</sup> bi suni ancora sos muros de sa eresia de Santa Ittoria, un'attera si naraiada de Santa Cattolica, una eresia fu dedicata a Santa Maria Maddalena, sa Santa chi si festada oe in Soddie, e su sartu ancora si narada "sa Maddalena"<sup>8</sup> una in Nordai<sup>8</sup> prima de Torozzula<sup>8</sup> e si naraiat Santa Maria de Nordai, e s'istatua s'agatada ancora in d'una cappella de Santu Antinu<sup>8</sup> e atteras puru, comente Santu Antinu de campu.<sup>8</sup>



Cresia de Sant'Antinu.

Aintro de Sedilo bi suni chimbe cresias: Santu Zuanni, sa parrocchia, Santa Rughe, Sant'Antoni e Santu Asili, Sa cresiedda de sas animas. In antigoriu bi fudi sa eresia de Santu Pedru martire, b'est ancora sa via. Santa Ittoria in Corrupare, Santu Pedru de Roma in sa rocchita e sa eresia de santu laccu.

De sa eresia de Santu Antinu non b'at bisonzu de 'nde faeddare, tottu sa Sardigna da conoschede.

Cun custos contos che semus arribaos a Soddie.

Fattu Peidre appo semperpenzau acustas cresias de Sedilo incuriosiu ca de medas santos non bi funi prusu mancu sas istatuas, e custu mi pariada una cosa istrana poite sos santos bezzos dos colliana in tottue, mancali in cachi isostro.

In Santulussurzu mi ana nau ca unu mussinnore de Bosa chi si nariada Mons. Vinati, aiada fattu una lezze prò tottu sa diocesi de brusiare sos santos bezzos, e prò cussu du mutiana "Mussinnore brusia santos".

Pagos annos faede tra sos paperis de sa idda de Sedilo, in d'una curia vescovile, mi est capitau tra sos poddighese unu documentu interessante, gosi intimi au:

### 1688. Nomina de los obreros y procuradores de la Iglesia de Sedilo.

Obreros de la parroquia de Sedilo	Juan Mamelj Ruju, y Salvador Mamelj
Obreros de la lampara	Juan Contu
Obreros de S.ta Maria y del crucifixo	Sebastian Manca y su madre Gasparina Mula

**Procuradores**

De Sant'Antonio	Juan Niola
De San Gregorio	Miguel Senes
De San Miguel	Joseph Pisanu
De Santa Vittoria de Ciceri	Mauro Murgia
De Santa Maria de Nordaj	Francisca Mula
De Santo Pedro	Jame Spada
De San Gaime	Francisco Mula Sanna
De San Pedro Martyre	Francisco Laj y Melchior Llaj
De Santa Maria Salome	Juan Pintore
De Santa Vittoria de Sena	Juan Mula
De San Yorge	Baltasar Spada de Nughes
De Sant'Andrea	Baptista Murgia
De Sant'Anatolia	Ven. Vincenzo Lepore
De San Gregori Cappadocia	Antonio Sulas
De Santa Maria Maddalena	Norio Francisco

In Sedilo si contiana in cussos annos prus de vinti cresias.

Lezzinde custu folliu mi seu meravizzau poite in s'elencu non figurada sa eresia de Santu Asili e SantuAntinu 'e campa Non mi at fatai ispantu Santa Rughe: inie non biada bisonzu de procuradore ca bi ludi sa Crufaria de Santa Rughe.

Po SantuAntinu de campu, appo penzau, forzis in cussu tempusu fudi in territoriu Ydumayoresu, ca s'istatua chi fudi in cussa eresia de tenede Totonni Bellu.<sup>9</sup> Podede essere chi sa Cresta de Santu Asili est indicada cernente eresia de Santu Gregori Cappadocia: no est improbabile chi cussa eresia esere dedicada a totos sos santos frades cappadoces: Gregoriu de Nissa e Basili de Cesarea.

Po finire ringrazio sa redazione de sa rivista Logos chi donni annu si publicada in Sedilo in s'epoca de sa festa, prò mi aere invitau a iscriere custu serviziu.

M'iscuso si su faeddare meu no este su limbazzu puru sedilesu. Mi abbizo ca bian'essere modos de narrere Lussurzesos, Idumaioresos e Sindiesoso.

Accettae su bonu coro de unu sedilesu chi no at perdudu s'amore a sa idda sua e sa cultura sedilesa.

**Note**

- <sup>1</sup> Merchioro Paris, a sos tempos zaganeddu, e oe peidre.
- <sup>2</sup> De naschida sedilesu s'est fattu peidre poi d'esser istau uffiziale istruttore de cavalleria. A sos tempos fudi vice parrocu de Sedilo e faghiada sas preigas semper in sardu.
- <sup>3</sup> Tadasunesu de naschida ma dae pizzineddu in Sedilo, inue hat frequentali sas iscolas Elementares, e a sos tempos peidre in Sedilo.
- <sup>4</sup> Serafinu Patrignani, rettore de Soddie dae s'annu 1938 a su 1949.
- <sup>5</sup> Famiglia sedilesa chi teniat in custodia su cadde 'e Santu Antinu.
- <sup>6</sup> Asila Puzzone, sa mamma de s'autore de s'articulu.
- <sup>7</sup> Proprietaria sedilesa chi teniat una inza in s'istrada ezza pò 'Ilarzi.
- <sup>8</sup> Toponimos de sartos sedilesos.
- <sup>9</sup> Penzionau Idumaioresu chi prò parizzos annos est istau dirigente de s'uffiziu postale de Sedilo.



*Cresia de Santu Antoni Abate.*



*Cresia de Santa 'Ittoria de Cicori.*